

# INUIT ATAQATIGIIT

## Inatsisartuni



UKA17/28  
29. september 2016  
Villy Olsvig

**Uunga siunnersuut: Nukissamik pilersuineq pillugu Inatsisartut  
peqquussutaasa allanngortinneqarnera pillugu Inatsisartut inatsisaat nr. xx,  
xx. xxx 2017-imeersoq. (Ataasiakkaarluni kiassarnermut uuttuutit)**  
(Inuuussutissarsiornermut, Suliffeqarnermut, Niuernermet Nukissiuuteqarnermullu  
Naalakkersuisoq)

Inuit Ataqatigiit sinnerlugin aalajangiiffigisassatut siunnersuut qulaani pineqartumut qujalluta, matumuuna imatut oqaaseqaateqassaagut.

Inatsisartut inatsisaata allanngortinnejarnissaani allaaveqarpoq inatsisartunut ilaasortap Michael Rosing Upernaakkut 2016-nimi siunnersuuteqarsimaneranik, siunnersuuteqarsimasoq tuiatigut pattalaarlugu qutsavigiumavarput siunnersuuteqarsimaneranik.

Nunatta sineriassuani inissiarsuarni pisortat inigisaanni najugaqartuusut kiassarnermut immikkut tamarmik kiammut atuinermut uuttuusersorneqarsinnaalernissaat, taamaalillutillu namminneq atorsimasartik aallaavigalugu akiliisalernissaat inatsisiliussinikkut maanna periarfissaalersoq Inuit Ataqatigiinniit ilassilluarparput.

Inissiarsuarni najugaqartunut immikkut kiassarnermut uuttuusersuiniarneq najugaqartunut annertuumik ajunngitsumik kinguneqassagatinneqarniarnera maluguniarlugulu ilassilluarnarpoq, imatummi ilaatigut allaqqasoqarmat "ataatsimoorussamit ataasiakkaanut akiligassiisalernermi, inissiani attartortittakkani 10-40 % akornanni sipaardeqarsinnaasut."

Immikkullu aamma maluginiarneqarsinnaasoq tassaavoq inissiarsuarni najugaqartut/attartortut pigilinngisaannagassaminnik qaammatit tamaasa akilersuisut nammagassinneqartariaqalersimagunarmata, uuttuutimmi ikkussuunneqalersaartut najugaqartunut akilertinniarneqarpasimmata, ilaatigummi imatut allaqqasoqarmat "Ataasiakkaanut atuinermut uuttuusersuinermeri inissiaatileqatigiiffit aamma Nukissiorfiit aningaasartuuteqartinneqassapput, taakkualu tamakkiisumik ilaannaasumilluunnit ineqarnermut akiliutip qaffaataatut aammalu uuttuutinik atuisutut akilerneqassapput." Taamaattumik Inuit Ataqatigiinniit kaammattutigerusunnarpoq naalakkersuisumut suliap aappassaaneerneqannginnerani inissianik piginnittut uuttuutinik ikkussuumaarnissani aningaasartuutinik matussusiitinneqarnissaat.

Inissiarsuarnimi najugaqartut immikkut aningaaasartuuteqaqqissinnaanerat aqqutissatut pingaartumik ineqarnermut akiliutikkoortumik aaqqisoqarnissaq kissaatiginanngilaq.

Immikkullu eqqumaffigineqartariaqartoq tassaavoq kiammik atuisimanermut akiliisalererup A/S INISSIAATILEQATIGIINNIIT Nukissiorfiit-nut nuunneqarnerani inissiarsuarmi najugaqartut akiliinngitsoorneranni qanoq piumasaqaateqartoqarsinnaaneranik sukumiinerusumik takussutissaqarsorinanngimmat, nalunngilarpummi kallerup inneranut akiliinngitsoortoqarsimatillugu naggataani qamitaanermik kinguneqartarmat.

Inissiarsuarnik najugaqartut toqqaannartumik Nukissiorfinnut akiliisalerumaarnissaanni sunik aammalu qanoq piumasaqaateqartoqarnissaanik Naalakkersuisut takorluukkersaaruteqarnersut suliap aappassaaniinnginnerani saqqummiussinissaat kissaatiginarpooq.

Taamatuttaarlu immikkut maluginiarneqarsinnaasoq tassaavoq inissiat immikkut uuttuusersorneqarnissaanni ukiaanerani ataatsimiinnermi immikkoortut allat kalluarneqarnerat eqqaaneqarsimamat, taakkulu tassaapput immikkoortoq 47 aammalu 183 ataatsimoortillugit aappassaaneerneqarumaartussat, imatummi ilaatigut allaqqasoqarpoq "kiassaateqarfiit kissarsuuteqarfiillu maannakkorpiaq assersuutigalugu INI A/S-imit ingerlanneqartut Nukissiorfinnut tunniunneqarnissaat peqatigisaanik pisariaqarpoq."

Naggataatigut immikkut maluginiarneqarsinnaasoq tassaavoq nunatta karsiata akitsuutinit isertittagarisimasaasa kiassaateqarfiit kissarsuuteqarfiillu ataatsimuulersinneqarneranni orsussamik atuinikinnerulernermi annikinnerusumik isertitaqalernissaq, tamanna imaassinjaalluarpoq ammaa-nersiorluni oqalugiaammi ilaatigut oqariartuutigineqarpasimmat avatangiisinut aningaasaateqarfimmik pilersitsisoqalersaartoqarnera.

Taama oqaaseqarluta siunnersut tunngaviatigut taperserparput ataatsimiisitaliamullu susassaqarfimmini aappassaaneerneqartigani suliarineqassasoq inassutigaarput.